



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Stephani Thevpoli Bened. F. Patric. Veneti,  
Academicarum Contemplationum Lib. X**

**Piccolomini, Francesco**

**[Basel], 1590**

**VD16 ZV 12463**

De Grauitate, & Leuitate. Cap. 11.

**urn:nbn:de:hbz:466:1-12918**

tamen in suis dialogis Plato, multa proferre ex aliorum sententia, & ad vulgi demulcendas aures: quæ à solerti Platonico debent deinde per potiora Platonis fundamenta, in convenientem sententiam redigi.

*De Grauitate, & Leuitate.*

CAP. XI.

**R**iplex in corporibus, quæ elementa dicuntur, consideratur grauedo: Vna est aduentitia; per quam dicimus corpora, quò magis mouétur, eò ferri velociùs, & quò feruntur velociùs, esse grauiora: Altera est naturalis propensio ad proprium motū. Postrema est grauedo essentialis; de qua loquentes, dicimus terram grauem, ignem leueim. Si loquimur de prima aduentitia grauitate; ea solum elementis conuenit, dum redeunt in suam naturam, & locum sibi competentein: & conuenit, non in principio, sed in progressu motus: & nō minus conuenit ætheri, & aeri, quam aquæ, & terræ. Cœlo hæc grauedo non conuenit, quia nunquam à suo loco, suave natura recedit. Secunda grauedo conuenit elementis dupli modo: primo, dum redeunt in suum locum; altero, dum feruntur in orbem: nam hæc grauitas nil aliud est, nisi propensio ad illum motū. Ex his duabus modis, primus non conuenit cœlo; quia non mouetur motu recto: alter verò maximè conuenit; quia maximè ad motum suum est pro-

procliue; & grauiissimum iudicaremus cœlū, si nobis datum esset suo motui manum opponere. Tertia absolute conuenit omnibus: cuncta enim elementa aliquid grauitatis includunt; cùm materiam, & corpoream compositionem in se habeant. Hinc facilius elementa omnia descenderent, quam ascenderent: facta tamen comparatione, aer, æther, & ignis, leuia dicuntur; aqua, & terra, grauia. De hac tertia loquutus est Plato in Timæo, dum dixit; Leuissimum esse, quod paucissimas bases includit, & ex paucissimis partibus eisdem constat, qualis est ignis. De altera grauitate, scilicet, de secunda, verba fecit in Timæo, dum dixit; Vnum tamen id de his omnibus cogitandum; quod via, gressioque singulorum corporum, ad simile, atque cognatum ferens; graue facit id, quod fertur; in quo quidem secundo grauitatis genere includitur modo aliquo etiam primum; ut consideranti notum est. Et si quis querat, quomodo elementorum partes in suum locum reuertantur; dicendum est, quod redeunt, & per suam naturam, & per animam simul: per naturam suam, habent propensionem ad illum motum; per animam, absolutionem, & perfectionem. Et si per imaginacionem sphæra terræ sub orbe lunæ proxime posita esset, iam imaginaremur peruersio nem ordinis vniuersi; ad quam, nec anima terræ, nec eius natura, esset procliuis: & propter è tunc partes liberæ derelictæ, ad suum totū

V 4

non mouerentur; quia nec anima ad illum locum traheret, nec partes in illum essent proclives; cum ea sit dispositio praeter naturam; ex fatua nostra imaginatione pendens: ad quam si sequuntur absurdia, nil refert, cum sequantur ex nostra inani imaginatione. Ex his patet, quomodo a calunnia vindicari debeat Plato, dum carpitur; quia dicat, elementorum partes ad suum totum moueri, ab eoq; trahi.

*Comparatio opinionis Aristotelis cum sententia  
Platonis in nuper dictis.*

## CAP. XII.



N plurimis profecto Aristot. a Platone dissentire videtur. Primo, Arist. triplex illud grauitatis genus non ponit, sed solum duplex; primum videlicet, & tertium. Secundo, Arist. cœlum nec graue, nec leue esse affirmat: ex sententia Platonis dictum est, cœlum aliqua ratione leue, alia verò graue dici posse. Tertio, Arist. ignem dicit solum leuem; Plato verò ætherem sub cœlo positum, igni respondentem; & leuem in comparatione, & grauem in propensione ad suum locum affirmat. Quartò, Arist. in postremo lib. de Cœlo, a cont. octauo ad 10. reiicit eam leuitatis, & grauitatis caussam, a Platone in Timæo traditam; dum dixit, Leuisimum esse, quod paucissimas bases includit, & ex paucissimis partibus eisdem constat. Demum, dissentire videtur in assignanda caussa redi-